

## ԺԷ

ՄԱՐԻԱՄԱՆՑ ԿԱՄ ԻՒՂԱԲԵՐԻՑ ԵԿԵՂԵՑԻՆ  
ԵՐՈՒՍԱՂԷՄԻ ՄԷՋ

1. — Աւետարանի մէջ կը յիշատակուին Իւղաբեր կանայք որ Գալիլիայէն գալով կ'ընկերանային Յիսուսի և կ'սպասուորէին Անոր. անոնց զլիսաւորն էր Մարիամ Մագդաղենացիև. միւս Մարիամը՝ որ կ'ըսուի նաև Մարիամ Յակոբայ, Սողոմոնե՝ մայր որդւոցն Զբեդեայ, ըստ Ղուկասու նաև, Յովնանևա Հերովդէսի հազարապետ Քուզայի կիներ՝ և ուրիշ կիներ, որոնց մէջ, գործեալ Ղուկասու համաձայն, կը գտնուէր Շուշան. ահա ասոնք այն կիներն էին որ Տէրը կը հոգային և կը ծառայէին Անոր: Յիսուսի խաչելութեան ժամանակ հետուէն կը դիտէին շատ կիներ, որոնց մէջ կային այս յիշուածներէն ոմանք: Յովսէփ Արիմատացիին «սուրբ կառներով» պատեց Յիսուսի մարմինը և թաղեց նոր գերեզմանի մը մէջ և այն գերեզմանին դուռը կափարիչ քարով մը փակելէ յետոյ մեկնեցաւ. նոյն միջոցին հոն կը գտնուէին Մարիամ Մագդաղենացիև և միւս Մարիամն և կը նըստէին հանդէպ գերեզմանին (Մատթ. Իէ. 55-61): Իսկ Մարկոս (ԺՁ. 1-9) և Ղուկաս (ԻԳ. 55-56) կը գրեն թէ նոյն կանայք ինկեցին և օծեցին Յիսուսի մարմինը. միաշարքաթի օրը արեւազային գերեզման զնացին, և տեսան որ գերեզմանի մեծ քարը մէկզիլ առնուած էր. և երբ գերեզման մտան հրեշտակը աւետեց անոնց թէ Յիսուս յարութիւն առած է և թափուր գերեզմանը ցոյց տալով պատուիրեց անոնց որ լուր տան աշակերաններուն: Իւղաբեր կանայք երբ լսեցին այս լուրը վախցան ու փախան գերեզմանէն և մէկու մ'ալ խօսք մը չըրին: Յարուցեալ Յիսուսը առաւօտուն՝ առաջին միաշարքաթի՝ երեցաւ Մարիամ Մագդաղենացիին և ան գնաց պատմեց անոնց՝ որ իրեն հետ էին, կուլային ու կը սգային (Տե՛ս նաև Յովն. Ի. 1-2, 11-18): Իւղաբեր կանանցմէ ոմանք կը յիշատակուին նաև Յիսուսի խաչին մօտ, երբ անոնք Տիրամօր հետ արտասուածութոր աչքերով կը դի-